

漢魏六朝百三家集

新平州
FDG

劉子駿集題詞

王莽篡漢甄豐劉歆王舜爲其腹心
豐舜不足道歆宗室宿儒胡爲僕僕
符命同賣餅兒也甄尋之變劉棻兄
弟三人皆死歆始怨懼後與王涉董
忠謀誅莽徬徨太白漏言婦人遂自

殺也班史謂歆初心輔莽圖富貴謀
至加號安漢宰衡而止事不出於居
攝卽真以後內畏不安懷變有日此
固寬爲之辭然論歆罪幽州羽山流
殛猶小矣子政三子皆好學長子伋
以易教授官至郡守中子賜九卿丞

早卒而少子歆最知名令歆繼父業
校秘書領五經死於哀帝之世官以
都尉終其名豈不出兩兄上而冒榮
國師投跡亂逆悲乎其壽也左傳未
立移書責讓子雲爲友求索方言至
洪範傳著天人七略綜百家三統厯

譜考步日月五星此非古鉅儒耶讀
其書益傷其人則有掩卷爾

婁東張溥題

漢劉子駿目錄

賦

遂初賦

甘泉宮賦

燈賦

書

移太常博士書

答文學

與楊雄求方言書

議

武帝廟不宜毀議

太上惠景寢園議

王莽服母總綰議

奏

上鄧析子

說

三統厯說

論

新序論

傳

洪範五行傳

附錄

本傳

劉子駿集目錄終

劉子駿集

目錄

二

漢劉子駿集

漢 劉歆子駿 著

明 張溥西銘 閱

賦

遂初賦

遂初賦者劉歆所作也歆少通詩書能屬文成
帝召爲黃門侍郎中壘校尉侍中奉車都尉光
祿大夫歆好左氏春秋欲立於學官時諸儒不
聽歆乃移書太常博士責讓深切爲朝廷大臣

非疾求出補吏爲河內太守又以宗室不宜典
三河徙五原太守是時朝政已多失矣歆以論
議見排擯志竟不得之官經歷故晉之域感今
思古遂作斯賦以歎往事而寄已意

昔遂初之顯祿兮遭閭闔之開通蹠三台而上
征兮入北辰之紫宮侍列宿於鉤陳兮擁太常
之樞極總六龍於駟房兮奉華蓋於帝側惟太
階之侈濶兮機衡爲之難運懼魁杓之前後兮
遂隆集於河濱遭陽侯之豐沛兮乘素波以聊

戾得玄武之嘉兆兮。守五原之烽燧。二乘駕而
旣俟。僕夫期而在涂。馳太行之巖防兮。入天井
之喬關。厯崗岑以升降兮。馬龍騰以起攔。舞雙
駟以優遊兮。濟黎侯之舊居。心滌蕩以慕遠兮。
迴高都而北征。劇彊秦之暴雲兮。弔趙括於長
平。好周文之嘉德兮。躬尊賢而下士。駕四馬而
觀風兮。慶辛甲於長子。哀衰周之失權兮。數困
辱而莫扶。執孫蒯于屯留兮。救王師於余吾。過
下虢而歎息兮。悲平公之作臺。背宗周而不卹。

今。苟。偷。樂。而。情。怠。板。葉。落。而。不。省。今。公。族。闐。其。
無。人。曰。不。悛。而。愈。甚。今。政。委。棄。於。家。門。載。約。屨。
而。正。朝。服。今。降。皮。弁。以。爲。履。寶。礫。石。於。廟。堂。今。
面。隋。和。而。不。眡。始。建。衰。而。造。亂。今。公。室。繇。此。遂。
卑。憐。後。君。之。寄。寓。今。唁。靖。公。之。銅。鞮。越。侯。田。而。
長。驅。今。釋。叔。向。之。飛。患。悅。善。人。之。有。救。今。勞。祁。
奚。於。太。原。何。叔。子。之。好。直。今。爲。羣。邪。之。所。惡。賴。
祁。子。之。二。言。今。幾。不。免。乎。徂。落。震。美。不。必。爲。偶。
今。豈。有。差。而。不。相。及。雖。韞。寶。而。求。價。今。嗟。千。載。

其焉合。昔仲尼之淑聖兮。竟隘窮乎陳蔡。彼屈原之貞專兮。卒放沉於湘淵。何方直之難容兮。柳下黜而三辱。蘧瑗抑而再犇兮。豈材知之不足。揚蛾眉而見妒兮。固醜女之情也。曲木惡直繩兮。亦小人之誠也。以夫子之博觀兮。何此道之必然。空下眚而矐世兮。自命已之取患。悲積習之生常兮。固明智之所別。叔羣旣在阜隸兮。六卿興而爲桀。荀寅肆而顓恣兮。吉射叛而擅兵。憎人臣之若茲兮。責趙鞅於晉陽。軼中國之

都邑兮登句注以陵厲。歷雁門而入雲中兮。超絕轍而遠逝。濟臨沃而遙思兮。忽垂意乎邊都。埜蕭條以寥廓兮。陵谷錯以盤紆。飄寂寥以荒助兮。沙埃起而杳冥。迴風盲其飄忽兮。迴颭颭之泠泠。薄涸凍之凝滯兮。弗谿谷之清涼。漂積雪之皚皚兮。涉凝露之隆霜。揚電霰之復陸兮。慨原泉之凌陰。激流澌之滲淚兮。窺九淵之潛淋。颼淒愴以慘怛兮。憾風溼以劉寒。獸望浪以穴竄兮。鳥脇翼之浚浚。山蕭瑟以鷗鳴兮。對木

瓌而哇咍地坼裂而憤急兮巨石破之崑崑天
烈烈以厲高兮廖瑋牕以梟牢雁邕邕以遲遲
兮埜鸛鳴而嘈嘈望亭隧之皦皦兮飛旂幟之
翩翩回百里之無家兮路脩遠之緜緜於是勒
障塞而固守兮奮武靈之精誠攄趙奢之策慮
兮威謀完乎金城外折衝以無虞兮內撫民以
永甯旣邕容以自得兮唯惕懼於笠寒攸潛溫
之立室兮滌濁穢於太清反情素於寂寞兮居
華體之冥冥玩書契以條暢兮考性命之變態

運四眚而覽陰陽兮、總萬物之珍恠、雖窮天地
之極變兮、曾何足乎留意、長恬澹以懽娛兮、固
聖賢之所喜、辭曰處幽潛德、含聖神兮、抱奇內
光、自得真兮、寵幸浮寄、奇無常兮、寄之去留亦
何傷兮、大人之度、品物齊兮、舍位之過、忽若遺
兮、求位得位、固其常兮、守信保已、比老彭兮、

甘泉宮賦

載藝文

軼凌陰之地室、過陽谷之秋城、迴天門而鳳舉、
躡黃帝之明庭、冠高山而爲居、塞崑崙而爲宮、

按軒轅之舊處居北辰之閤中背共工之幽都
向炎帝之祝融封巒爲之東序緣石闢之天梯
桂木襍而成行芳盼嚮之依依翡翠孔雀飛而
翱翔鳳皇止而集栖甘醴湧於中庭今激清流
之瀾瀾黃龍遊而蜿蜒兮神龜沉於玉泥離宮
特觀樓比相連雲起波駭星布彌山高巒峻阻
臨眺曠衍深林蒲葦涌水清泉芙蓉菡萏菱荇
蘋繁豫章襍木榎松柞栲女貞烏勃桃李棗欂

燈賦

載藝文